

dria, compido averano la sua muda, abino a star zorni 6 in 8 da poi quella, a zìò li merchadanti possono far li sui pagamenti et consignar le sue merze; et passadi ditti 8 zorni, sia sempre in libertà del capitano levarse con esse galie, senza aver ubligation di tuor alcuna licentia.

4.° Che de li arzenti et danari serano conduti per nostri, non siano ubligati li merchadanti nostri pagar el dreto, salvo a ducati uno per peza, et, de le monede, rotoli 6 zeroi al ducato, secondo le uxanze nostre antiche. I qual danari mai per nader nè choza nè alcun altro li possi esser retentuti; et de quelli essi merchadanti nostri possi far quanto li piazze, et venderli a quel precio sarano d'accordo con quelli li vorà comprar, sì in terra come in galia et nave, non essendo ubligati mostrarne conto ad algum.

5.° Che 'l non se habbi a pagar la sansaria, salvo per el precio se comprerà le specie, et non messe più niente di quello sarà notado ne la doana del gaban; nè alcun nader possi astrenzer li merchadanti nostri a farli pagar la sansaria per stima di mazor precio, di quel averano comprato le specie et notato ne la ditto doana del gaban. *Item*, che la sansaria piccola, tocha a li sanseri, non se habbi a pagar, salvo maidini 2 per 100, come era consueto, nè possi esser astreto a pagar più cossa alcuna de li ditti maidini do, nè li possi esser tolto cortesia per algum.

6.° Che 'l sia restituido e messi a conto nostro ducati zercha 6000, fo tolti per el nader alli 2 merchadanti nostri, et, autto quelli, quel nader fo desmesso et il suo successor non li volse schontar. Li qual anche, come sa el magnifico ambador, el serenissimo signor soldan à ordenà sia restituidi, e messi a conto de la sansaria haverà a pagar nostri merchadanti, per la muda à a venir.

7.° Che del piper tolto per la ultima muda, che fo sporte 460, zoè 460, non se habbi a pagar più di ducati uno per sporta, come è consueto; et se 'l se sarà stà astreto nostri a pagar più di quello tal consuetudine, li siano restituidi et scontadi ne le sansarie à a venir; et che niuna carta o ver promessa di questo, oltra el duchato per sporta, sia de niun valor.

8.° Che la tarra de le schibe, come à ordenà el serenissimo signor soldan, sia messa a rotoli 25 $\frac{1}{2}$ per schiba, secondo la uxanza de le sporte 460 piper fo tolte la ultima muda; et quelle serano stà meze schibe, siano messe la tarra per mità, come per el pexo di esse si potrà benissimo veder.

9.° Che sia ritornà le spexe del trar de le

specie, secondo la uxanza nostra anticha, et *maxime* el cagar a marina, che non si habi a pagar de le specie, che se haverà a trazer a contadi, cossa alcuna, per comprarse quelle spazade im barcha senza alcuna spexa, sì in tempo de invernada come in tempo de galie. Zercha a le specie da barato, che 'l ne sia osservato le nostre uxanze antige, *videlicet* in tempo de invernada colli 8 al ducato, et in tempo de galie colli 4 al ducato, dichiarando che le canelle non se intenda un fardo, salvo che per un collo, nè possi esser messi dopij da persona alguna.

X.° Che 'l nadrachas nè nader nè altri possi fra anno astrenzer li nostri merchadanti a farse imprestar danari a conto de sansarie, nè anche tuorli le sue robe, ma solamente nel tempo de le galie fazino li sui pagamenti, come è el dover et era consueto sempre.

XI.° Che *continue* sia tenuto in Alexandria uno nader del dachieri, a far raxon solamente; et che 'l non se possi impazar de merchadantia, nè che per lui altri la fazi; et che 'l sia in libertà de chadaun moro romper precio de specie et di chadauna altra cossa, et non possi esser impedito nè da coza nè da algum altro, ma sempre chadauno possi comprar et vender senza licentia di lhor choza; et che tutti marchadi farano nostri con mori, et notadi ne la doana del gaban, siano inviolabelmente osservadi e non rotti per algum, essendo sempre li merchadanti nostri in libertà comprar e vender con cui li piace; et che el vender et comprar sia libero, sì al moro chomè al francho.

12. Che li panni d'oro et di seda e panni fini 114 non possi esser astreto alcun nostro marchadante a vender con algum forzo, nè anche de quelli pagar algum dreto, se non li haverano venduti; et sia in libertà sua di ritornarli in drieto, nè li possi esser impedito per alguno.

13. Che de le pelatarie de tutte sorte non possi esser retentuto da alguno, nè toltoli per forza, ma quelli possino vender a chadauno; et non li vendendo, sia in sua libertà ritornarli a drieto.

14. Che 'l sia fato pagar li vari fonno tolti per forza, come sa el serenissimo signor soldan, che à promesso far sàtisfar, et come intende ancor lui, magnifico ambador.

15. Che le specie comprerà i merchadanti nostri siano con el dover ben garbelate, et anche pesate con stajere juste, essendo in libertà de' nostri merchadanti tuor che pexador moro li piazze; et che le stajere tien nostri merchadanti in fontego, per repxar merze et spezie, per veder non siano inganati